

SULIT

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KELIMA,
PARLIMEN KETIGA BELAS**

PERTANYAAN : LISAN

**DARIPADA : DATO' TAKIYUDDIN BIN HASSAN
[KOTA BHARU - PAS]**

TARIKH : 2 OGOS 2017 (RABU)

SOALAN NO. 81

Minta **MENTERI BELIA DAN SUKAN** menyatakan perancangan strategik Kerajaan untuk membimbing golongan belia dari Generasi Y dan millennium terutama dalam bidang kreatif dan inovasi bagi menghadapi masa depan ekonomi yang semakin mencabar.

SULIT**JAWAPAN**

Yang di-Pertua,

1. Untuk makluman Ahli Yang Berhormat, bermula tahun 2016, KBS telah memulakan pembelajaran dan latihan menggunakan elemen *Virtual Learning* di dalam memastikan pembelajaran yang lebih menarik dan interaktif kepada belia Generasi Y ini. Ia melibatkan bidang automotif, mekanikal, marin, kimpalan, penyaman udara dan teknologi awam.
2. Selain daripada itu, bagi menyediakan para belia dengan perubahan teknologi serta masa depan ekonomi yang semakin mencabar, KBS melalui IKTBN Pagoh akan menggunakan *Industry 4.0 Training Kit* dengan tujuan menaiktaraf peralatan di Jabatan Mekanik Industri. Dengan menggunakan *Industry 4.0 Training Kit* ini juga akan memastikan para pelajar dibekalkan dengan latihan kemahiran dan pengetahuan yang seiring dengan arus pemodenan dan teknologi semasa serta cara kerja yang berbeza pada masa hadapan serta meningkatkan daya kreativiti, produktiviti dan inovasi di kalangan belia terutamanya pelajar Institusi Latihan Kemahiran, Belia dan Sukan (ILKBS).
3. Selain daripada itu juga, KBS melalui ILKBS telah bersama-sama Kementerian Komunikasi dan Multimedia telah mengadakan Program Negaraku Kreativiti @Komuniti di IKBN Kuala Langat pada 19-21 Mei 2017 bagi mewujudkan kesedaran dan mendedahkan kumpulan

SULIT

sasar terutamanya belia kepada perkembangan semasa dan trend terkini industri kandungan kreatif yang meliputi kategori filem, drama, fotografi, penulisan skrip, animasi dan media kreatif. Siri ke 2 Program Negaraku Kreativiti @Komuniti akan dilaksanakan pada September 2017 di IKBN Seri Iskandar, Perak. Program seperti ini diharapkan dapat membimbing dan meningkatkan keupayaan para belia dalam bidang kreatif.

Sekian, terima kasih.